



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀ

Ո Ր Ո Շ ՈՒ Մ N 564-7

ԵՐՐՈՐԴ ԱՆՁԱՆՑԻՑ (ԱՅԴ ԹՎՈՒՄ՝ ՊԵՏԱԿԱՆ ՄԱՐՄԻՆՆԵՐԻՑ) ՍՏԱՑՎԱԾ ԿԱՄ
ՕՊԵՐԱՏԻՎ ՀԵՏԱԽՈՒՋԱԿԱՆ ԳՈՐԾՈՂՈՒԹՅՈՒՆՆԵՐԻ ԱՐԴՅՈՒՆՔՈՒՄ ՁԵՌՔ
ՔԵՐՎԱԾ ՏԵՂԵԿՈՒԹՅՈՒՆՆԵՐԻ ՀԻՄԱՆ ՎՐԱ ԱՆՁԱՆՑ ԸՆԴՀԱՆՈՒՐ ՏՆՏԵՍԱԿԱՆ
ՇԱՀԵՐԻՑ ԵԼՆԵԼՈՎ ՀԱՄԱՁԱՅՆԵՑՎԱԾ ԳՈՐԾԵԼՈՒ ՀԻՄՔՈՎ ՓՈԽԿԱՊԱԿՑՎԱԾ
ՃԱՆԱԶԵԼՈՒ ՄԱՍԻՆ

29.11.2022թ.

ք. Երևան

ՀՀ պետական եկամուտների կոմիտեի նախագահի պաշտոնակատար Արտյոմ
Սմբատյանս, ուսումնասիրելով երրորդ անձից (այդ թվում՝ պետական մարմնից) ստացված
կամ օպերատիվ-հետախուզական գործողությունների արդյունքում ձեռք բերված
տեղեկությունները՝

ՊԱՐԶԵՑԻ

ՀՀ ՊԵԿ հետաքննության և օպերատիվ հետախուզության վարչության պետի
04.11.2022 թվականի թիվ 1518496 որոշման համաձայն՝ ՀՀ ՊԵԿ ՀՎՍՎ թիվ 3 բաժնում
հաշվառված «ԱՐՄԱՅՎԻԺՆ» (ՀՎՀՀ 02843399) ՍՊԸ-ի նկատմամբ ձեռնարկվել են
օպերատիվ-հետախուզական միջոցառումներ:

Օպերատիվ-հետախուզական միջոցառումների շրջանակներում ձեռք բերված
տեղեկությունների, ինչպես նաև ՀՀ ՊԵԿ տեղեկատվական բազայում առկա
տեղեկատվության հետազոտման և համադրման արդյունքում պարզվել է, որ
«ԱՐՄԱՅՎԻԺՆ» ՍՊԸ-ն «Ս.Վ.ՄԱԼԱՅԱՆԻ ԱՆՎԱՆ ԱԿՆԱԲՈՒԺԱԿԱՆ ԿԵՆՏՐՈՆ» ՓԲԸ-ի
(ՀՎՀՀ 01203444) հետ գործում է ընդհանուր տնտեսական շահերից ելնելով համաձայնեցված
և փոխկապակցված:

«ԱՐՄԱՅՎԻԺՆ» ՍՊԸ-ն զբաղվում է ակնաբուժական ուսանյակների և այլ պարագաների ներմուծմամբ և մեծածախ վաճառքով: Ներմուծված ուսանյակները բացառապես իրացնում է «Ս.Վ.ՄԱԼԱՅԱՆԻ ԱՆՎԱՆ ԱԿՆԱԲՈՒԺԱԿԱՆ ԿԵՆՏՐՈՆ» ՓԲԸ-ին: «ԱՐՄԱՅՎԻԺՆ» ՍՊԸ-ի հիմնադիր /50% բաժնեմասով/ և տնօրեն Աստղիկ Ղազարյանը մինչև 12.08.2022թ.-ը միաժամանակ հանդիսացել է «Ս.Վ.ՄԱԼԱՅԱՆԻ ԱՆՎԱՆ ԱԿՆԱԲՈՒԺԱԿԱՆ ԿԵՆՏՐՈՆ» ՓԲԸ-ի աշխատակից, իսկ «ԱՐՄԱՅՎԻԺՆ» ՍՊԸ-ի մյուս հիմնադիր /50% բաժնեմասով/ Միհրան Միրոյանը հանդիսանում է «Ս.Վ.ՄԱԼԱՅԱՆԻ ԱՆՎԱՆ ԱԿՆԱԲՈՒԺԱԿԱՆ ԿԵՆՏՐՈՆ» ՓԲԸ-ի տնօրեն Հովսեփ Միրոյանի որդին: Արդյունքում, նշված տնտեսվարող սուբյեկտները հարկային ռեժիմը պլանավորելու միջոցով ստանում են բարձր եկամուտներ:

Մասնավորապես, «ԱՐՄԱՅՎԻԺՆ» ՍՊԸ-ն հաշվառված է ՀՀ ՊԵԿ ՀՎՍՎ թիվ 3 բաժնում, գործում է հարկման հատուկ համակարգում, հանդիսանում է շրջանառության հարկ վճարող, տնօրենն է Աստղիկ Ղազարյանը (հաշվառված է ք. Երևան, Օրբելի եղբայրների փողոց, շենք 4, բնակարան 55 հասցեում):

«Ս.Վ.ՄԱԼԱՅԱՆԻ ԱՆՎԱՆ ԱԿՆԱԲՈՒԺԱԿԱՆ ԿԵՆՏՐՈՆ» ՓԲԸ-ն հաշվառված է ՀՀ ՊԵԿ ՀՎՍՎ թիվ 20 բաժնում, գործում է հարկման ընդհանուր համակարգում, զբաղվում է ակնաբուժական ծառայությունների մատուցմամբ, տնօրենն է Հովսեփ Միրոյանը (հաշվառված է ք. Երևան, Ն. Սուրենյան փողոց, շենք 11, բնակարան 11 հասցեում):

Հիմք ընդունելով վերոշարադրյալ՝ ակնհայտ է, որ վերոնշյալ տնտեսվարող սուբյեկտները գործում են ընդհանուր տնտեսական շահերից ելնելով, համաձայնեցված և հանդիսանում են փոխկապակցված ընկերություններ:

Հաշվի առնելով վերոգրյալ՝ գտնում են, որ առկա են բավարար հիմքեր «ԱՐՄԱՅՎԻԺՆ» ՍՊԸ-ին և «Ս.Վ.ՄԱԼԱՅԱՆԻ ԱՆՎԱՆ ԱԿՆԱԲՈՒԺԱԿԱՆ ԿԵՆՏՐՈՆ» ՓԲԸ-ին ընդհանուր տնտեսական շահերից ելնելով համաձայնեցված գործելու հիմքով փոխկապակցված ճանաչելու համար, ուստի, ղեկավարվելով ՀՀ Հարկային օրենսգրքի 30-րդ հոդվածի 2-րդ մասով, ՀՀ Կառավարությանն առընթեր պետական եկամուտների կոմիտեի նախագահի 2018 թվականի փետրվարի 15-ի թիվ 65-Ն հրամանի հավելվածի 2-րդ մասի 1-ին ենթակետով՝

ՈՐՈՇԵՑԻ

1. Ստորև նշված կազմակերպություններին համարել փոխկապակցված և ընդհանուր տնտեսական շահերից ելնելով համաձայնեցված գործող,

N	Կազմակերպության անվանումը կամ անհատ ձեռնարկատիրոջ անունը, ազգանունը	Հարկ վճարողի հաշվառման համարը	Հարկ վճարողի սպասարկման բաժնի անվանումը
1	«ԱՐՄԱՅՎԻԺՆ» ՍՊԸ	02843399	ՀՎՍՎ թիվ 3
2	«Ս.Վ.ՄԱԼԱՅԱՆԻ ԱՆՎԱՆ ԱԿՆԱԲՈՒԺԱԿԱՆ ԿԵՆՏՐՈՆ» ՓԲԸ	01203444	ՀՎՍՎ թիվ 20

2. Որոշումն ուժի մեջ է մտնում հարկ վճարողի կողմից այն ստանալու պահից:

 Recoverable Signature

X



ԱՐՏՅՈՄ ՍՄԲԱՏՅԱՆ

ՊԱՇՏՈՆԱԿԱՏԱՐ՝

Signed by: SMBATYAN ARTYOM 3210860416

ԱՐՏՅՈՄ ՍՄԲԱՏՅԱՆ